




# COPA SANTA



*Lo cant de la Copa Santa, o per li donar lo sieu nom d'origina « La Cançon de la Copa » es estat escrich per Frederic Mistral amb una musica de Micolau Sabòli.  
Imne del Felibritge, d'unes lo prenon per l'imne provençal e quitament occitan, a costat del « Se canta ».*

*Mistral escriguèt aquel cant en referéncia a una copa d'argent que los felibres catalans porgiguèron ais felibres provençals pendent una taulejada que se tenguèt en Avinhon lo 30 de julhet de 1867, per grandmercejar de l'acuèlh donat al poèta catalan Víctor Balaguer, exiliat politic en Provença. Aquela copa es l'òbra de l'escultor Guillaume Fulconis e de l'argentièr Jarry.*

## **Còbla 1**

Provençaus, veicí la copa  
que nos ven di Catalans :  
a-de-reng beguèm en tropa  
lo vin pur de nòstres plants.

## **Repic**

Copa santa  
e versanta,  
vuèja a plen bòrd  
vuèja a bòrd  
lis estrambòrds  
e l'enavans di fòrts !

## **Còbla 2**

D'un vièlh pòble fièr e libre  
siam bensai la finicion ;  
e se tomban li felibres,  
tombarà nòstra nacion.

## **Repic**

Copa santa  
e versanta,  
vuèja a plen bòrd  
vuèja a bòrd  
lis estrambòrds  
e l'enavans di fòrts !

### **Còbla 3**

Vueja-nos la Poësia  
per cantar tot çò que viu  
car es ela l'ambrosia  
que tremuda l'òme en Dieu.

### **Repic**

Copa santa  
e versanta,  
vuèja a plen bòrd  
vuèja a bòrd  
lis estrambòrds  
e l'enavans di fòrts !

### **Còbla 4**

Per la glòri dau terraire  
vos enfin que siatz consents,  
Catalans, de luènh, o fraires  
comuniem totis ensems !

### **Repic**

Copa santa  
e versanta,  
vuèja a plen bòrd  
vuèja a bòrd  
lis estrambòrds  
e l'enavans di fòrts !